

Quint annual da la BCG 2009: ina creschientscha legraivla da la fatschenta e dal gudogn

Cuira, ils 5 da favrer 2010 – La Banca Chantunala Grischuna preschenta era per il 2009 in resultat da fatschenta excellent. La posiziun sin il martgà ha ella pudì consolidar. Il gudogn brut ha pudì vegnir augmentà per 14.0% cumpareglià cun l'onn precedent ed ha uschia cuntanschi in nivel da record da CHF 224.7 miu.

- Augment dals emprests a la clientella per 4.1% e da la facultad dals clients per 6.4%
- Il gudogn brut crescha per 14% sin CHF 224.7 miu.
- Creschientscha dal gudogn dal concern per 16.9% sin CHF 143.9 miu.
- Augment da la dividenda per CHF 3.00 sin CHF 35.00 (+9.4%)
- Dividendas ed indemnizaziun da la garanzia chantunala CHF 79.4 miu. (+CHF 6.7 miu. ubain +9.3%)
- Gudogn per scrit da participaziun CHF 79.09 (+7.9%)

«Nossas spetgas per il 2009 areguard la creschientscha, la productivitat e la rentabilitad avain nus pudì cuntanscher respectivamain superar cleramain», commentescha il CEO Alois Vinzens il resultat legraivel da la Banca Chantunala Grischuna.

«Noss management da ristgas sco era nossa dotaziun surproporzionala d'agen chapital è sa cumprovads en la crisa. Uschia ans posiziunain nus sco ina banca cun ina fitg auta stabilitad finanziaria, resistenza ed independenza», constatescha il president da banca Hans Hatz.

Facultad dals clients: creschientscha dals deposits ed afflussiun da novs daners

La facultad dals clients è s'augmentada entras valurs augmentadas en ils deposits e l'afflussiun da novs daners (senza tschains) per CHF 179.4 miu. sin CHF 24.9 mia. (+6.4%). La revalitaziun da las ristgas, surtut dad investiders instituziunals, la liquiditad reducida dals clients da fatschenta e las consequenzas da la discussiun davart il secret bancar han engrevgià punctualmain la creschientscha netta. Il ferm augment da 4.1% dals emprests a la clientella e da 6.4% da la facultad dals clients mussa che la Banca Chantunala Grischuna ha anc ina giada pudì consolidar sia buna posiziun.

Retgav brut: fermas componentas dal retgav

Ils retgavs da la fatschenta da tschains è sa sviluppads vinavant sin in aut nivel (-0.3%) tar ina ristga stabila. La fatschenta da cumissiuns e da servetschs (+15.6%) ha profità fermamain da l'augment da las transacziuns a la bursa e dad effectivs da valurs pli auts. Ultra da quai ha la Private Client Bank (PCB) contribuì ina part substanzialmain pli gronda al resultat dal concern che enfin qua. La Private Client Bank è per l'emprima giada vegnida consolidada sur l'entira perioda da fatschenta (participaziun da 50% dapi il 1-7-08). In augment excepziunal preschenta era l'ulteriur gudogn ordinari. Quel po vegnir attribuì al svilp da las investiziuns en vaglias zunt positiv (+CHF 26.2 miu.) cumpareglià cun l'onn precedent.

Postfach
7002 Chur

Tel. +41 (0)81 256 83 11

Fax +41 (0)81 256 99 98

www.gkb.ch

Sectur dad IT: la Banca Bellerive SA migrescha sin Finnova

La creschientscha dals custs da fatschenta da +7.6% cumpiglia l'augment general da las pajas e dals custs. L'effectiv dal persunal è creschì en la perioda da rapport per 19.0 unitads da prestaziun sin 869.1. Ils custs èn era creschids pervia da l'emprima consolidaziun cumpletta da la Private Client Bank (participaziun da 50% per il 1-7-08) sur l'entira perioda da rapport. Per l'entschatta da l'onn da gestiun current ha la Banca Privata Bellerive SA ultra da quai migrà sia informatica sin la plattafurma multiutilisatura da Finnova. A medem temp ha la Banca Chantunala Grischuna surpiglià tut ils process d'elavuraziun per la societad affiliada. Ils custs da migraziun da CHF 3.0 miu. èn vegnids resguardads cumplainamain en il quint annual 2009. La banca spetga da la collavuraziun pli stretga in augment considerabel da l'effizienz.

Gudogn dal concern: plus 16.9%

La situaziun economica en general buna e las bilantschas positivas da la clientella han danovamain manà a schliaziuns da rectificaziuns da la valor e da provisiuns. La contribuziun dal resultat netta ha muntà a CHF 2.8 miu. (CHF 9.2 miu. l'onn precedent). Il gudogn dal concern preschentà è creschì per 16.9% sin CHF 143.9 miu.

Rentabilitad e productivitat: superà las finamiras strategicas

La rentabilitad da l'agen chapital è anc ina giada creschida levamain, malgrà l'agen chapital che crescha cuntinuadamain, dad 11.2% sin 11.4%. Cun ina quota d'agen chapital dad 11.4% dispona la Banca Chantunala Grischuna d'ina stabilitad ed independenza finanziaria surproporzionala. La productivitat – mesurada tenor la relaziun tranter ils custs da fatschenta inclusiv las amortisaziuns ed il retgav (relaziun da custs e d'entradas II) – è stada cun 48.1% per l'emprima giada sut la marca da 50%. Las finamiras strategicas concernent la rentabilitad e la productivitat èn uschia vegnidas superadas.

Emprest convertibel: dapli chapital da participaziun en il commerzi a la bursa

L'emprim semester dal 2009 ha la Banca Chantunala Grischuna transferì, en cunvegrientscha cun il Chantun, in'ulteriura part da chapital da dotaziun en chapital da participaziun ed al piazzà cun success sin il martgà en furma d'in emprist convertibel. Cun las conversiuns spetgadas dals dus emprists convertibels currents duai la quota commerziada a la bursa vegnir augmentada pass per pass sin 30%.

Dividenda: pajaments pli auts al Chantun ed als investiders

Dal bun resultat han profità il Chantun ed ils investiders. La dividenda vegn auzada per CHF 3.00 sin CHF 35.00 (+9.4%). En il medem mument s'augmentan ils pajaments al Chantun per CHF 6.7 miu. sin CHF 79.4 miu. Al fond da contribuziun vegn danovamain attribui in deposit da CHF 1.81 miu. Cun quest fond vegnan mintg'onn sustegnids projects betg commercials dal champ social, da la cultura, da l'economia e dal sport en il Chantun ultra da las activitads da sponsoring da la BCG.

Perspectivas per l'avegnir: stimaziuns precautas

Ils martgads da finanzas e l'ambient economic cuntengnan anc adina grondas malsegirezzas. Perquai èsi grev da stimar las consequenzas per l'economia reala. Sin fundament da questa situaziun quinta la banca cun in gudogn brut da CHF 220 miu. ed in gudogn da CHF 72 fin 76 per scrit da participaziun en litispendenza dal resultat da ristga.

Las pli impurtantas cifras distinctivas da la Banca Chantunala Grischuna

Cifras distinctivas BCG (en CHF 1'000)	2009	2008	Differenza onn precedent	
Quint economic				
Retgav brut	402'222	362'091	40'131	11.1 %
Custs da fatschenta	-177'519	-164'992	-12'527	7.6 %
Gudogn brut	224'703	197'099	27'604	14.0 %
Resultat intermediar	192'482	170'592	21'890	12.8 %
Gudogn dal concern	143'898	123'098	20'800	16.9 %
Bilantscha				
Emprests a la clientella	13'347'673	12'819'887	527'786	4.1 %
Facultad da la clientella 1)	24'872'250	23'378'118	1'494'132	6.4 %
Agens meds avant l'utilisaziun dal gudogn	1'839'307	1'721'095	118'212	6.9 %
Activas valitadas tenor las ristgas (incl. ristgas operaziunalas)	10'109'917	9'592'115	517'802	5.4 %
Cifras distinctivas				
Gudogn avant la furmaziun da reservas senza minoritads	197'731	183'303	14'428	7.9 %
Novs daners nets	179'375	1'414'608	-1'235'233	-87.3 %
Relaziun da custs e d'entradas I	44.13 %	45.57 %	-1.43 %	-3.1 %
Relaziun da custs e d'entradas II (excl. Goodwill)	48.08 %	50.30 %	-2.22 %	-4.4 %
Rentabilitad / ROE	11.36 %	11.25 %	0.11 %	1.0 %
Gudogn per scrit da participaziun	79.09	73.32	5.77	7.9 %
Ratio BRI (Tier 1)	16.9 %	16.7 %	0.2 %	1.2 %

1) a partir dals 30-06-2009 excl. scrits da participaziun BCG en possess dal chantun GR (31-12-08: CHF 187 miu.)

A dumondas pertutgant il quint annual 2009 respunda gugent:

alois.vinzens@gkb.ch

President da la direcziun generala | +41 81 256 94 26

La comunicaziun d'interpresa As gida gugent a cuntanscher il pli svelt pussaivel Vossa persuna da contact:

As drizzai a thom.mueller@gkb.ch | +41 81 256 83 11

ubain a hans-peter.rest@gkb.ch | +41 81 256 83 10.

Banca Chantunala Grischuna

A la testa dal martgà en il Grischun – cun in ferm Private Banking sur il Grischun ora.

La Banca Chantunala Grischuna porscha tut quai ch'i dovra per ina banca universala moderna – per personas privatas, l'economia ed il maun public. La banca occupa 1'133 collavuraturas e collavuratur (stadi dals 31-12-09). En il chantun Grischun cun sias numerusas vals e pliras linguas, è l'interpresa represchentada cun 73 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank a Turitg. En il rendaquint semestral preschenta ella cun ina summa da bilantscha da CHF 16.125 milliardas in gudogn brut consolidà da CHF 224.7 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants 2010: 27 da mars 2010

Rendaquint semestral 2010: 30 da fanadur 2010